

至舌也。

病狀

其本結病狀、於今未識、唇舌喉癱、諒即本結受累所致、系幹傷者、斯爲最少、有之、必爲瘤所壓、或腦衣炎所累也、系失其功者、其嘗覺或受累、受累之處、大概即舌後段及腭簾、嘗覺受累、論之於茲、取其便也、如左。

嘗覺之失、或系末經受累所致、發熱之時舌乾、食滯之時舌苔、及食而不知其味者、是其常事、惹質如胡椒、菸、醋等者、亦足減其嘗覺、其嘗覺全失者、或即系及司所之病所致。嘗覺異常、此惟病癢或癱者有之、其餘則少甚、過敏之事、方諸異常、尤爲少也。

試其嘗覺之法、先閉患者之眼、而令之垂其舌、乃以所試之物置諸舌上、必方其舌未縮回之時、明言所嘗何味、乃得有以斷之、試其苦覺、可用桂林、甘則濃糖水、酸則醋、鹹則食鹽、以化電之弱流試之、應覺爲金、凡不覺者、則謂之病。

顱臟腑系

第十顱系之所司、最要且最廣、即喉、嚥、肺、心、膈、胃、等是、其本結或與兩段系及舌肌系之結同受累、以致唇舌嚥癱之患、其系或爲癥或岷囊所壓、或腦